

7 Chwefror 2024

Christina Harrhy
Gwasanaethau Etholiadol
Ty Bargoed
1 Ffordd Santes Gwladys
Bargod
CF81 8AB

Annwyl Randdeiliad,

**Parthed: Etholiad Comisiynydd yr Heddlu a Throsedd –
Ardal Heddlu Gwent dydd Iau 2 Mai 2024**

Fel Swyddog Canlyniadau Ardal yr Heddlu (SCAH) ar gyfer yr ardal Gwent, ysgrifennaf i ddarparu gwybodaeth allweddol a dyddiadau perthnasol ar gyfer etholiad Comisiynydd yr Heddlu a Throsedd (CHTh) ar ddydd Iau 2 Mai 2024.

Cyflwyniad

Mae pedair ardal heddlu yng Nghymru sef De Cymru, Gwent, Dyfed Powys a Gogledd Cymru. Mae Gwent yn cynnwys ardaloedd gweinyddol pum awdurdod unedol – Blaenau Gwent, Caerffili, Sir Fynwy, Casnewydd a Torfaen.

Llywodraethir y broses Etholiad gan delerau Deddf Diwygio'r Heddlu a Chyfrifoldeb Cymdeithasol 2011 a deddfwriaeth berthnasol arall. Byddaf yn cael fy nghynorthwyo yn fy nyletswyddau gan bedwar swyddog canlyniadau lleol (SCL) o'r awdurdodau lleol eraill sydd hefyd yn ddarostyngedig i ofynion a chanllawiau deddfwriaethol cenedlaethol.

Rôl Swyddog Canlyniadau Ardal yr Heddlu (SCAH)

Fel Swyddog Canlyniadau Ardal yr Heddlu (SCAH), rwy'n gyfrifol am y modd y cynhelir etholiad CHTh ar gyfer ardal heddlu Gwent, ac am gysylltu â'r SCLau yn ardal heddlu Gwent.

Rwyf hefyd yn gyfrifol am roi hysbysiad o'r etholiad, y broses enwebu, annog cyfranogiad, sicrhau y cydymffurfir â gofynion cyfeiriadau etholiadol ymgeiswyr a'r gweithdrefnau ar gyfer cyflwyno'r cyfeiriadau hynny, coladu cyfansymiau lleol a chyfrifo'r canlyniad ac yn olaf, datgan y canlyniad.

Rôl y Swyddog Canlyniadau Lleol (SCL)

Mae Swyddogion Canlyniadau Lleol (SCL) yn gyfrifol am sicrhau bod yr etholiad yn cael ei weinyddu'n effeithiol yn eu hardal bleidleisio, gan gynnwys darparu gorsafoedd pleidleisio, argraffu papurau pleidleisio, penodi staff gorsafoedd pleidleisio, cynnal yr etholiad, rheoli'r broses pleidlais drwy'r post, gwirio a chyfrif yn eu hardal bleidleisio a throsglwyddo'r cyfansymiau lleol i'r SCAH.

Etholiadau Cyfunol Posib

Yng Nghymru, mae etholiadau Comisiynwyr yr Heddlu a Throseddu 2024 yn gael eu cynnal ar ddydd Iau 2 Mai. Fodd bynnag, mae posibilrwydd o gynnal etholiad cyffredinol Seneddol y DU ar yr un diwrnod ar fyr rybudd.

Oherwydd y cymhlethdod gallai'r trefniant hwn ei gynnwys ac i geisio lleihau'r risg o fewn y broses etholiadol, mae posibilrwydd o gynnal etholiadau ar y cyd wedi'i gynnwys yn fy holl gynlluniau etholiadol logistaidd gan gynnwys gwirio ac amseru prosesau cyfrif etholiadau CHTh.

Ymgeiswyr ac Asiantiaid

Bydd gwefan bwrpasol ar gael i ddarparu gwybodaeth i ymgeiswyr ac asiantiaid, a chaiff ei diweddarau maes o law gyda dolenni i'r ffurflenni y gellir eu lawrlwytho (gan gynnwys y pecyn enwebu) a diweddariadau eraill gan SCAH. Ewch i:

www.caerffili.gov.uk/my-council/voting-and-elections?lang=cy-gb

Ar 20 Chwefror 2024 am 10am drwy Microsoft Teams bydd cynrychiolydd o'r Comisiwn Etholiadol, Prif Weithredwr Swyddfa Comisiynydd yr Heddlu De Cymru a fi yn cynnal sesiwn briffio i ymgeiswyr ac asiantiaid ac yn rhoi trosolwg o rôl Comisiynydd yr Heddlu a Throseddu.

Bydd y sesiwn briffio'n darparu gwybodaeth pwysig i ddarpar ymgeiswyr a'u hasiantiaid, gan gynnwys y broses enwebu, gwybodaeth am bleidleisio, y broses wirio a chyfrif, gwariant ymgeiswyr a threuliau'r etholiad ac yn olaf rôl a chyfrifoldebau Comisiynydd yr Heddlu a Throseddu a threfniadau ar gyfer datgan derbynn swydd ar gyfer yr ymgeisydd etholedig.

Diwrnod Pleidleisio

Bydd yr etholiad yn digwydd ar **ddydd Iau 2 Mai 2024 o 7am tan 10pm**. Bydd pob SCL yn gyfrifol am y ffordd y cynhelir y broses bleidleisio a'r gorsafoedd pleidleisio yn eu hardal bleidleisio.

Bydd papurau pleidleisio'n cael eu hargraffu gyda Marc Adnabod Unigryw (MAU) sy'n arbennig i bob ardal bleidleisio SCL ynghyd â marc swyddogol a osodwyd gan y SCAH.

Lliw'r Papur Pleidleisio ar gyfer ardal heddlu Gwent fydd **'Eog'**.

Gwirio a Chyfrif

Bydd proses gwirio a chyfrif Etholiad CHTh yn cael ei chynnal mewn canolfannau cyfrif lleol ar draws ardal Gwent gyda chanolfan ranbarthol â'i leoliad yn Hamdden Caerffili, Clos Virginia, Caerffili CF83 3SW lle byddaf yn datgan canlyniad terfynol yr etholiad. Mae'r broses i'w dilyn yn gofyn am ddatganiadau canlyniadau lleol ym mhob ardal awdurdod ac wedyn canlyniad cyffredinol a goladwyd ar gyfer Gwent.

Bydd pob SCLiau yn Ardal Heddlu Gwent yn dechrau'r gwiriad ddydd Gwener, 3 Mai, 2024 os bydd etholiad CHTh yn cael ei gynnal fel pleidlais annibynnol.

Bydd y cyfrif yn dechrau ar ôl i'r broses wirio ddod i ben ddydd Gwener, 3 Mai, 2024, os bydd etholiad CHTh yn cael ei gynnal fel pleidlais annibynnol.

Os cyfunir y bleidlais ag etholiad Seneddol y DU, ar gyfer y ddau etholiad, cynhelir y broses wirio ar ôl i'r gorsafoedd pleidleisio gau am 10pm nos Iau 2 Mai, gyda'r cyfrif yn cael ei ohirio tan ddydd Sul, 5 Mai, 2024.

Bydd pob SCL yn gyfrifol am roi'r cyfansymiau gwirio i fi fy hun, ac ar ddiwedd y broses wirio bydd pob SCL hefyd yn diogelu'r holl bapurau pleidleisio tan ddechrau'r broses gyfrif.

Bydd y cyfrif yn cael ei weinyddu gan ddefnyddio'r system bleidleisio 'Y Cyntaf i'r Felin', yn hytrach na'r system Pleidlais Atodol fel defnyddiwyd ar gyfer etholiadau blaenorol Comisiynwyr yr Heddlu a Throseddau. Mae hyn yn oherwydd newid yn y gyfraith a gyflwynwyd gan Lywodraeth y DU drwy Ddeddf Etholiadau 2022.

Fel SCAH, byddaf yn darparu diweddariadau yn y ganolfan ranbarthol drwy'r cyfryngau cymdeithasol ac yn uniongyrchol i SCLiau drwy gydol y gwiriadau a'r cyfrif, er oherwydd maint Ardal Heddlu Gwent, mae'n dal yn anodd amcangyfrif pa mor hir y bydd y broses gyfrif yn ei chymryd a bydd fy mhswylais ar gywirdeb yn hytrach na chyflymder.

Yr wyf yn credo bod yr wybodaeth uchod yn ddefnyddiol ac yn nodi'r cynllunio cychwynnol tuag at etholiad CHTh effeithiol ac effeithlon yn ardal Heddlu Gwent. Os bydd angen rhagor o wybodaeth arnoch, ewch i:

www.caerffili.gov.uk/my-council/voting-and-elections?lang=cy-gb

neu cysylltwch â Dave Beecham, Rheolwr Gwasanaethau Etholiadol Cyngor Caerffili (Ffôn: 01443 864405, e-bost: beeched@caerphilly.gov.uk).

Rwyf hefyd yn gofyn i SCLlau drefnu bod y llythyr hwn ar gael yn ehangach, gan gynnwys aelodau etholedig eu hawdurdod lleol.

Yn gywir,

Christina Harrhy
Swyddog Canlyniadau Ardal yr Heddlu Gwent

Atodiad 1

Dyddiadau allweddol etholiadau CHTh annibynnol

Dyddiad	Digwyddiad
Dydd Llun, 25 Mawrth 2024	Hysbysiad o etholiad
Dydd Mawrth 26 Mawrth 2024 - dydd Gwener 5 Ebrill 2024 (rhwng 10am a 4pm ar unrhyw ddiwrnod gwaith)	Cyflwyno'r papurau enwebu
Dydd Gwener 5 Ebrill 2024 (erbyn 4:00pm)	Terfyn amser ar gyfer tynnu enwebiadau yn ôl
Dydd Gwener 5 Ebrill 2024 (erbyn 4:00pm)	Dyddiad cau ar gyfer rhoi gwybod am benodi asiantiaid etholiadol
Dydd Llun 8 Ebrill 2024 (erbyn 4:00pm)	Datganiad o bobl a enwebwyd
Dydd Mawrth 16 Ebrill 2024	Dyddiad cau ar gyfer derbyn ceisiadau i gofrestru.
Dydd Mercher 17 Ebrill 2024 (erbyn 5:00pm)	Dyddiad cau ar gyfer derbyn neu ddiwygio ceisiadau am bleidlais drwy'r post
Dydd Mercher 24 Ebrill 2024 (erbyn 5pm)	Dyddiad cau ar gyfer derbyn ceisiadau am Dystysgrifau Awdurdod Pleidleiswyr
Dydd Mercher 24 Ebrill 2024 (erbyn 5:00pm)	Dyddiad cau ar gyfer derbyn ceisiadau pleidlais drwy ddirprwy
erbyn dydd Mercher 24 Ebrill 2024 fan bellaf (erbyn 5:00pm)	Cyhoeddi Hysbysiad o Bleidlais
Dydd Iau 2 Mai 2024	Diwrnod Pleidleisio

Dydd Gwener 3 Mai 2024

(gan ddechrau erbyn 10am) os yw'n annibynnol

neu ddydd Sul 5 Mai 2024

(gan ddechrau am 10am) os caiff ei gyfuno ag
Etholiad Cyffredinol Seneddol y DU

Proses gwirio a chyfrif CHTh

Atodiad 2

Dolenni a chysylltiadau defnyddiol

Cyswllt	Dolenni'r We
Gwefan SCAH Gwent	www.caerffili.gov.uk
Y Comisiwn Etholiadol	www.electoralcommission.org.uk/cymru/home
Swyddfa CHTh Gwent	www.gwent.pcc.police.uk

Cyswllt	Cyfeiriad e-bost
SCAH Gwent – Christina Harrhy	harrhc@caerphilly.gov.uk
SCLI – Caerffili	streed@caerphilly.gov.uk
SCLI – Blaenau Gwent	andrea.jones@blaenau-gwent.gov.uk
SCLI – Sir Fynwy	paulmatthews@monmouthshire.gov.uk
SCLI – Casnewydd	Beverly.Owen@newport.gov.uk
SCLI - Torfaen	Stephen.Vickers@torfaen.gov.uk
Gwasanaethau Etholiadol – Blaenau Gwent	electoral.services@blaenau-gwent.gov.uk
Gwasanaethau Etholiadol – Caerffili	electoralservices@caerphilly.gov.uk
Gwasanaethau Etholiadol – Sir Fynwy	elections@monmouthshire.gov.uk
Gwasanaethau Etholiadol – Casnewydd	uvote@newport.gov.uk
Gwasanaethau Etholiadol – Torfaen	Voting@torfaen.gov.uk